



islam.click
коротко о важном

РАМАЗАН АЙНЫНЪ АРЕФЕСИ



بِسْمِ اللّٰهِ الرَّحْمٰنِ الرَّحِیْمِ

Рамазан айнынъ арэфеси.

Эй Аллахын къуллары! Юдже Аллах (Субханаху ва Та'аля) бизлерге ипрангъан иманымызны тазелемеге имкян берген вакъыт келе! Бу уммет ичюн буюк олгъан айнынъ кельмесине пек аз вакъыт къалды, бу айны Юдже Аллах (Субханаху ва Та'аля) юксельтти, бу айны Пейгъамберимиз صلی اللہ علیہ وسلم юксельтти – бу ай, Рамазан айыдыр, бу айда инсанлар ичюн талиматнаме оларакъ ве ачыкъ аляметлер оларакъ, догъру ёлну танымакъ ве хакънен яланны феркъ этмек ичюн Къуран эндирильди.

Юдже Аллах (Субханаху ва Та'аля) бу умметке бу буюк айны оразанен кечирмеге эмир этти. О, бу айда «аль-къыям» - гедже намазларда турмакъны тайинледи. Бу айтылгъан ай буюк хусусиетлернен ве буюк мукъфатларнен толудыр. Ким де ким бу мукъфатлардан махрум къалды исе, бойле инсан хайырсызлыккъа огърады ве зарар къазанды. Ким исе бу мукъфатларгъа наиль олды, о буюк бахткъа иришти.

Эй Аллахын къуллары! Рамазан айыны, бу къийметли мусафирны кереги киби къаршыламакъ керектир, чюнки бу ай, ибадет, сабыр ве Къуран айыдыр! Иман эткен кимсеге бу мусафирны гунах япаркен яда олмайджакъ ишнен огърашаркен, файдасы олмагъан эгленджилернен огърашаркен къаршыламагъа олмаз; яда бу айны геджелерини юхусызлыккъа кино ве сериаллар бакъмакъта, яда оюнлар ойнамакъта кечирмекни, яда онынъ куньлерини тенбелликте ве юхуда кечирмекни юрегине ниет оларакъ къоймагъа олмаз.

Эй Аллахын къуллары! Кечкен Рамазан айындан сон аман-аман бир сене кечти. Бир сене! Бу вакъыт девамында биз не къазандыкъ? Ахирет хаятымыз ичюн, Юдже Аллахнынъ (Субханаху ва Та'алянынъ) рахметине умют

Рамазан айнынъ арефеси

этмеге себеп оладжакъ хайыр амеллерини тутумладыкъмы? Шубесиз, эр кечкен кунь бизни олюмге якъынлаштыра. Не къадар биз ондан къачмагъа ве къорчаланмагъа арекет япсакъ биле, эр кечкен кунь бизлерни шубесиз бу дакъкъагъа, бу демге якъынлаштыра.

Чюнки Юдже Аллах (Субханаху ва Та'аля) деди:

كُلُّ نَفْسٍ ذَائِقَةُ الْمَوْتِ

«Эр бир джанлы олюмни татаджакъ».

(«аль-Имран», 3:185).

قُلْ إِنَّ الْمَوْتَ الَّذِي تَفِرُّونَ مِنْهُ فَإِنَّهُ مُلَاقِيكُمْ

«Де ки: Сизинъ ондан къачтыгъынъыз олюм мытлакъа сизни тападжакъ».

(«аль-Джумъа», 62:8)

Бойледже, кечкен Рамазандан сон биз олюмге бир сенеге якъынлаштыкъ. Бир сенеге! Бу сене девамында мезарда яткъанлар бу сенени эн азында бир кунюни, Юдже Аллах (Субханаху ва Та'алягъа) ибадет этмек ичюн алмагъа авес эте эдилер. Я биз?! Биз исе бу сене девамында бош лафларгъа, бош арекетлерге, гъамсызлыкъкъа, ихмал этмекке баттыкъ; о сененинъ вакъытыны озъ ара тартышмаларда ве мал артындан чапмакъта кечирдик. Ве айна заманда олюм арамыздан базыларыны чекип алгъаныны корьдюниз. Амма биз бунъа эмиет бермедик. Санким бу бизлер ичюн Юдже Аллах (Субханаху ва Та'алянынъ) тарафындан ихтар дегиль. Аллахтан къоркъунъыз ве тезден бараджагъымыз ахирет хаятына азырланынъыз.

Эй Аллахын къуллары! Мусульманлар янъы айны корьгенинен Рамазан башлана. Шариат боюнджа ай

корюльмеси – бу Рамазан айнынъ башланмасыдыр, такъвим сайысы дегиль. Эгер инсанлар булут яда башкъа себеплерден айны корюп оламасалар, Шаабан айыны отуз куньге толдурмакъ кереклер, яни Шаабанынъ отузыджи кунюни шубе куню саймакъ кереклер. Пейгъамберимиз صلی اللہ علیہ وسلم бизге буны эмир этти:

**صُومُوا لِرُؤُوسِئِهِ وَأَفْطِرُوا لِرُؤُوسِئِهِ، فَإِنْ غَبِيَ عَلَيْكُمْ
فَأَكْمِلُوا عِدَّةَ شَعْبَانَ ثَلَاثِينَ**

«Оразанъызны ай корьмекнен башланъыз ве ай корьмекненде екюнъленъыз. Эгер сизге ай корюнмесе, Шаабанынъ сайысыны отузгъа еткизинъыз».

Аль-Бухари (1909) ве Муслим (1081).

Эй Аллахын къуллары! Рамазан айына бир яда эки кунь къалгъанда оразаны башламакъкъа бир кимсени хакъкъы ёкъ, бу тек эр заманки оразасы Шаабанынъ отузына яда йгирми докъузына раст кельген инсангъа джаиздыр, яни Рамазангъа бир яда эки кунь къалгъанда. Бойле вакъытта мумкюн, чюнки Пейгъамберимиз صلی اللہ علیہ وسلم деди:

**لَا يَتَقَدَّمَنَّ أَحَدُكُمْ رَمَضَانَ بِصَوْمِ يَوْمٍ أَوْ يَوْمَيْنِ،
إِلَّا أَنْ يَكُونَ رَجُلٌ كَانَ يَصُومُ صَوْمَهُ، فَلْيَصُمْ ذَلِكَ
الْيَوْمَ**

«Рамазан айыны бир яда эки кунь эвель оразанъызнен озманъыз, бу тек эр заман ораза туткъан инсангъа джаиздыр. О озь эр заман оразасыны тутсын».

Аль-Бухари (1914) ве Муслим (1082).

Ондан гъайры, эй Аллахын къуллары, «шубе куню» адлангъан кунь бар – не заман инсанлар, ай корьмеген себебинден бильмейлер, бу даан Шаабан яда энди Рамазан.

Бу куньде бир кимсеге ораза тутмагъа олмаз, эр заман ораза туткъангъада (мисаль, базарэртеси бу «шубе кунюне» раст кельди, о инсан исе базарэртеси ораза тута) ве ораза тутмагъангъада. Бир кимсеге джаиз дегиль, бу харам. Аммардан (Аллах ондан разы олсун) ривает этильген хадисте айтыла:

مَنْ صَامَ الْيَوْمَ الَّذِي يُشَكُّ فِيهِ، فَقَدْ عَصَى أَبَا
الْقَاسِمِ صلى الله عليه وسلم

«Шубе олгъан куньде (бу даан Шаабан яда энди Рамазан) ораза туткъан кимсе, Абуль-Къасимнынъ сёзюнден чыкъкъандыр».

Абу Давуд (2334), ат-Тирмизи (686).

Абуль-Къасим – бу Аллахнынъ эльчиси صلى الله عليه وسلم.

Эй Аллахын къуллары! Биз Рамазан айына текаран къалгъаныны хатырладыкъ, амма биз бильмеймиз, арамызда ким онъа яшап етеджек? Аллах бизлерге яшап етмеге насиб этсин! Эбет арамызда бир кимсе бильмей, о Рамазангъа яшап етеджек яда ёкъ, сонуна барып етеджек яда ёкъ? Ве арамызда, бу Рамазыннынъ сонуна еткенинен келеджек даан бир Рамазан онъа насиб оладжакъ яда ёкъ, бильгенлер ёкъ?

Ойле исе, эй Аллахын къуллары, шимди Аллах ризасы ичюн хайыр амеллер япаджагъымызгъа, Юдже Аллах севгени киби давранаджагъымызгъа, гюнахларны къалдырып Рамазандан сон оларгъа къайтмайджагъымызгъа къатты ниетлер еделемек керекмиз. Оразанъызны, бозаджакъ ве зарар кетиреджек шейлерден къорчаланъыз.

Эй Аллахын къуллары, бу айда бош лафларны, лафазанлыкъны къалдырынъыз, чюнки олар кальбни ольмесине себеп олур. Терсине, озь озюньизни Къуран окъумакънен, зикирнен (Аллахны анъмакънен), дуанен,

истиғфарнен мешгуль этиниз. Чюнки бу фырсааттыр! Бу заманда джамилерде даан зияде олмагъа тырышынъ, бол-бол Аллах ризасы ичюн садакъалар беринъиз, чюнки Пейгъамберимиз صلی اللہ علیہ وسلم инсанларнынъ эн джемерти эди, амма Рамазан айында о даан зияде джемерт эди.

Келинъиз Аллахнынъ эльчисини صلی اللہ علیہ وسلم орьнек оларакъ алайыкъ. О صلی اللہ علیہ وسلم озь сахабелерини Рамазан айы келишинен къувандыра эди ве оларны бу айнынъ кунъ ве геджелеринен къулланмагъа теклиф эте эди. Пейгъамберимиз صلی اللہ علیہ وسلم дей эди:

إِذَا دَخَلَ رَمَضَانُ فَتُّحَتْ أَبْوَابُ الرَّحْمَةِ، وَغُلِّقَتْ
أَبْوَابُ جَهَنَّمَ، وَسُلِّسَتْ الشَّيَاطِينُ

«Рамазан башлангъанынен, рахмет къапулары ачыла, Джехеннем къапулары исе къапала, шейтанлар зынджыргъа багъланалар, Дженнет къапулары ачыла».

аль-Бухари (1800), Муслим (1079).

Пейгъамберимиз صلی اللہ علیہ وسلم озь сахабелерине насиат бере эди:

آتَاكُمْ رَمَضَانَ شَهْرًا مُّبَارَكًا فَرَضَ اللَّهُ عَزَّ وَجَلَّ
عَلَيْكُمْ صِيَامَهُ تُفْتَحُ فِيهِ أَبْوَابُ السَّمَاءِ وَتُغْلَقُ فِيهِ
أَبْوَابُ الْجَحِيمِ وَتُغَلُّ فِيهِ مَرَدَّةُ الشَّيَاطِينِ لِلَّهِ فِيهِ
لَيْلَةٌ خَيْرٌ مِنْ أَلْفِ شَهْرٍ مَنْ حُرِمَ خَيْرَهَا فَقَدْ حُرِمَ

«Сизге мубарек Рамазан айы кельди! Юдже Аллах оны ораза иле кечирмеге эмир этти. Бу айда кок къапулары ачыла ве Джехеннем атешининъ къапулары къапала, ве бойсунмагъан шейтанларгъа бу айда бугъавлар кийдириле. Бу айда бинъ геджеден даан хайырлы бир гедже бар. Ким онынъ хайырындан махрум къалса, о махрум къалгъанлардандыр».

Рамазан айнынъ арэфеси

Ахмад (2/230), ан-Насаи, (4/129), аль-Байхаки "Шуаб аль-Иман", (3600).

Ибн Раджаб (Аллах ондан разы олсун) деди:

«Мусульманлар бири бирини Рамазан башлагъанынен тебриклемеге ве хайырламагъа изин берильгенине бу хадис делильдир».

Му'мин Рамазан айына насыл къуванмайджакъ, о Дженнет къапулары ачыладжагъыны ве терсине Джахеннем къапулары къапаладжагъыны биле; Юдже Аллах шейтанларны бугъавларнен байлай?

Акъыллы инсан бунъа къувана.

Кенедде Пейгъамберимиз صلی اللہ علیہ وسلم деди:

إِذَا كَانَ أَوَّلُ لَيْلَةٍ مِنْ شَهْرِ رَمَضَانَ صُفِّدَتِ
الشَّيَاطِينُ، وَمَرَدَةُ الْجِنِّ، وَغُلِّقَتْ أَبْوَابُ النَّارِ، فَلَمْ
يُفْتَحْ مِنْهَا بَابٌ، وَفُتِّحَتْ أَبْوَابُ الْجَنَّةِ، فَلَمْ يُغْلَقْ
مِنْهَا بَابٌ، وَيُنَادِي مُنَادٍ: يَا بَاغِيَ الْخَيْرِ أَقْبِلْ، وَيَا
بَاغِيَ الشَّرِّ أَقْصِرْ، وَلِلَّهِ عِتْقَاءُ مِنَ النَّارِ، وَذَلِكَ كُلُّ
لَيْلَةٍ

«Рамазаннынъ биринджи геджеси кельгенинен шейтанлар ве бойсунмагъан джинлер бугъавларгъа багълана. Атеш къапулары къапала, ве бириси ачылмай. Ве терсине, Дженнетнинъ бутюн къапулары ачыла ве бириси къапалмай. Ве деллял давет эте ве дей: “Эй хайыр япмагъа истегенлер – огге тырышынъ! Эй ярамай япмагъа истегенлер – озь ниетлеринъизни ред этиниз!” Рамазанда Юдже Аллахнынъ Джахеннем атешинден азат этеджек кимселери бар».

*ат-Турмизи, (682), ан-Насаи, (4/126); Ибн Маджах, (1642);
Ибн Хузайма, (1776); Ибн Хиббан, (3435). (сахих)*

Альхамдули-Ллях! Тюрмеде отурып афу этиледжегине хабер кельген инсан – онынъ къуванчы насыл! Бу ай девамында Джехеннем атешинден къуртулыш берген Аллах буюктир. Бу эр геджеде! Насыл ашыкъмамалы? Бу фыршатнен насыл къулланмамалы?

Хадисте ривает этиле:

من صَامَ رَمَضَانَ إِيمَانًا وَاحْتِسَابًا، غُفِرَ لَهُ مَا تَقَدَّمَ مِنْ ذَنْبِهِ

«Ким де ким, Юдже Аллахнынъ мукъфатына инанып (биринджи шарт) умют этип (экинджи шарт) Рамазанда ораза тутса, онынъ бутюн кечмиш гюнахлары афу этиледжек».

аль-Бухари, (37, 38, 1901); Муслим, (759 и 760).

Аллах Буюктир!

Эгер инсан буюк гюнахлар япты исе, о айрыджа Аллага төвбе япмакъ керек. Будыр Юдже Аллахтан рахмет ве хедие!

قُلْ بِفَضْلِ اللَّهِ وَبِرَحْمَتِهِ ۖ فَبِذَلِكَ فَلْيَفْرَحُوا هُوَ
(خَيْرٌ مِّمَّا يَجْمَعُونَ)

«Де ки: Анджакъ, Аллахнынъ лютфи ве рахметинен, иште, буларнен севинсинлер. Бу, оларнынъ (дюнья малы оларакъ) топлагъанларындан даа хайырлыдыр».

(«Юнус», 10:58)

Эй Аллахын къуллары! Селефлер бири бирини Рамазан айы келишинен къувандыра эдилер. Ривает этиле, олар Рамазан кельмесинден алты ай эвель Юдже Аллага о Рамазангъа

яшап етмеге дуа эте эдилер. Рамазандан сон исе алты ай девамында Юдже Аллах оларнынъ Рамазаныны къабул этмесине дуа эте эдилер.

Яхья ибн аби Касир дей, селефлернинъ дуасы махсус дуа эди. Олар Юдже Аллага бойле сёзлер иле мураджат эте эдилер:

اللَّهُمَّ سَلِّمْ لِي رَمَضَانَ وَسَلِّمْ رَمَضَانَ لِي وَسَلِّمْهُ
لِي مُتَقَبَّلاً

«Аллахумма саллимнии ли Рамадан, уа саллим
Рамадана ли, уа саллимху ли мутакъаббала»

«Аллахым! Мени Рамазангъа еткиз, ве оны догъру
кечирмеге мангъа имкян бер, ве оны менден къабул эт».

Таравих намазыны къалдырмангъыз, оны ред этменгъыз – бу
Аллахтан бир фырсааттыр! Онгъа эмиет берингъыз, чюнки бу
огюнгъызде тешельген хайырдыр. Пейгъамберимиз صلى الله عليه وسلم деди:

الصَّلَاةُ خَيْرُ مَوْضُوعٍ، فَمَنْ شَاءَ اسْتَقَلَّ، وَمَنْ
شَاءَ اسْتَكْثَرَ

«Бу намаз – тешельген хайырдыр. Чокъ алып олгъан
кимсе, алсын».

Ахмад, ат-Табарани. (сахих)

Билингъыз, эй Аллахын къуллары, инсаннынъ ораза
тутаджакъ ниети сабах (феджр) намазына къадар олмакъ
керек, бу вакъыт кельгенине къадар олмакъ керек. Эгер
инсан сабах намазындан сон, тан догъгъандан сон ораза
тутмагъа ниетленди исе, бу куньки оразасы бошуна
оладжакъ. Пейгъамберимиз صلى الله عليه وسلم бу акъкъында деди:

من لم يجمع الصيام قبل الفجر، فلا صيام له

«Эгер инсан сабах намазына къадар оразагъа ниетленмеди исе, онынъ оразасы ёкътыр».

Абу Дауд, Ибн Маджах, ат-Турмизи, ан-Насаи. (сахих)

Амма бу бизге, базы инсанлар киби, ниетимизни тильнен айтмакъ керек демей. Олар тильнен дейлер: «Мен бугуньки оразаны тутмагъа ниетленем». Ёкъ! Ниетнинъ ери юректедир. Тильнен айтмагъа керек дегиль.

Ондан гъайры, эр биримизнинъ артымызда таби олгъанларымыз бар – эвлядларымыз, апайларымыз, бу айны насыл кечиреджек джевапкяр оладжакъ инсанларынынъыз. Онынъ ичюн яшы етмеген эвлядларынынъыз бар исе, оларны, зарар этмейджек шекильде оразагъа алыштырынъыз. Эгер бою еткен эвлядларынынъыз бар исе, оларгъа оразаны эмир этиниз, чюнки Пейгъамберимизни صلی اللہ علیہ وسلم Суннетинде бойле эмир этильген.

Биз Юдже Аллаха ялварамыз, бизлерни бу Рамазан айына яшап етмеге ве бу айны эн гузель шекильде кечирмеге, озюмизни Юдже Аллаха эн гузель тарафтан корьсетмеге насиб этсин.

ЧИТАТЬ НА РУССКОМ

СЛУШАТЬ В TELEGRAM

بِسْمِ اللّٰهِ الرَّحْمٰنِ الرَّحِیْمِ

Ramazan ayının arefesi.

Ey Allahın qulları! Yüce Allah (Subhanahu va Ta'alâ) bizlerge ipranğan imanımızı tazelemege imkân bergen vaqıt ke! Bu ümmet için büyük olğan ayın kelmesine pek az vaqıt qaldı, bu ayı Yüce Allah (Subhanahu va Ta'alâ) yükseltti, bu ayı Peyğamberimiz ﷺ yükseltti – bu ay, Ramazan ayıdır, bu ayda insanlar için talimatname olaraq ve açıq alâmetler olaraq, doğru yolnu tanımaq ve haqnen yalannı ferq etmek için Quran endirildi.

Yüce Allah (Subhanahu va Ta'alâ) bu ümmetke bu büyük ayı orazanen keçirmege emir etti. O, bu ayda "al-qıyam" - gece namazlarda turmaqı tayinledi. Bu ayılğan ay büyük hususiyetlennen ve büyük mukâfatlennen toludur. Kim de kim bu mukâfatlardan mahrum qaldı ise, böyle insan hayırsızlıqqa oğradı ve zarar qazandı. Kim ise bu mukâfatlarğa nail oldı, o büyük bahtqa iriştı.

Ey Allahın qulları! Ramazan ayını, bu qiymetli musafırını keregi kibi qarşılamaq kerektir, çünkü bu ay, ibadet, sabır ve Quran ayıdır! İman etken kimsege bu musafırını günah yaparken yada olmaycaq işnen oğraşarken, faydası olmağan eglencilennen oğraşarken qarşılamağa olmaz; yada bu ayı gecelerini yuhusızlıqta kino ve seriallar baqmaqta, yada oyunlar oynamaqta keçirmekni, yada onıñ künlerini tenbellikte ve yuhuda keçirmekni yüregine niyet olaraq qoymağa olmaz.

Ey Allahın qulları! Keçken Ramazan ayından son aman-aman bir sene keçti. Bir sene! Bu vaqıt devamında biz ne qazandıq? Ahiret hayatımız için, Yüce Allahın (Subhanahu va Ta'alânın) rahmetine ümüt etmege sebep olacaq hayır amellerini tutumladıqmı? Şübesiz, er keçken kün bizni ölümge yaqınlaştıra. Ne qadar biz ondan qaçmağa ve qorçalanmağa areket yapsaq bile, er keçken kün bizlerni şübesiz bu daqqağa, bu demge yaqınlaştıra.

Ramazan aynıñ arefes

Çünki Yüce Allah (Subhanahu va Ta'alâ) dedi:

كُلُّ نَفْسٍ ذَائِقَةُ الْمَوْتِ

"Er bir canlı ölümni tatacaq".

("al-Imran", 3:185).

قُلْ إِنَّ الْمَوْتَ الَّذِي تَفِرُّونَ مِنْهُ فَإِنَّهُ مُلَاقِيكُمْ

"De ki: Siziñ ondan qaçtıgıñız ölüm mıtlaqa sizni tapacaq".

("al-Cuma", 62:8)

Böylece, keçken Ramazandan son biz ölümge bir senege yaqınlaştıq. Bir senege! Bu sene devamında mezarda yatqanlar bu seneni en azında bir kününi, Yüce Allaha (Subhanahu va Ta'alâğa) ibadet etmek için almağa aves ete ediler. Ya biz?! Biz ise bu sene devamında boş laflarğa, boş areketlerge, ğamsızlıqqa, ihmal etmekke battıq; o seneniñ vaqıtını öz ara tartışmalarda ve mal artından çapmaқта keçirdik. Ve aynı zamanda ölüm aramızdan bazılarını çekip alğanını kördünüz. Amma biz buña emiyet bermedik. Sankim bu bizler için Yüce Allah (Subhanahu va Ta'alânıñ) tarafından ihtar degil. Allahtan qorquñız ve tezden baracağımız ahiret hayatına azırlanıñız.

Ey Allahın qulları! Musulmanlar yañı aynı körgeninen Ramazan başlana. Şariat boyunca ay körülmesi – bu Ramazan aynıñ başlanmasıdır, taqvim sayısı degil. Eger insanlar bulut yada başqa sebeplerden aynı körüp olamasalar, Şaaban ayını otuz küngə toldurmaq kerekler, yani Şaabanıñ otuzıcı kününi şübe künü saymaq kerekler. Peyğamberimiz صلی الله علیه وسلم bizge bunı emir etti:

صُومُوا لِرُؤْيَيْتِهِ وَأَفْطِرُوا لِرُؤْيَيْتِهِ، فَإِنَّ غَيْبِي عَلَيْكُمْ
فَأَكْمِلُوا عِدَّةَ شَعْبَانَ ثَلَاثِينَ

Ramazan ayınıñ arefes

"Orazañızni ay körmeknen başlañız ve ay körmeknende yeküñleñiz. Eger sizge ay körünmese, Şaabanıñ sayısını otuzğa yetkiziñiz".

Al-Buhari (1909) ve Müslim (1081).

Ey Allahın qulları! Ramazan ayına bir yada eki kün qalğanda orazanı başlamaqqa bir kimseni haqqı yoq, bu tek er zamanki orazası Şaabanıñ otuzına yada yirmi doquzına rast kelgen insanğa caizdir, yani Ramazanğa bir yada eki kün qalğanda. Böyle vaqıtta mümkün, çünki Peyğamberimiz صلی الله علیه وسلم dedi:

لَا يَتَقَدَّمَنَّ أَحَدُكُمْ رَمَضَانَ بِصَوْمِ يَوْمٍ أَوْ يَوْمَيْنِ،
إِلَّا أَنْ يَكُونَ رَجُلٌ كَانَ يَصُومُ صَوْمَهُ، فَلْيَصُمْ ذَلِكَ
الْيَوْمَ

"Ramazan ayını bir yada eki kün evel orazañıznen ozmañız, bu tek er zaman oraza tutqan insanğa caizdir. O öz er zaman orazasını tutsın".

Al-Buhari (1914) ve Müslim (1082).

Ondan ğayrı, ey Allahın qulları, "şübe künü" adlanğan kün bar – ne zaman insanlar, ay körmegen sebebinden bilmeyler, bu daan Şaaban yada endi Ramazan. Bu künde bir kimsege oraza tutmağa olmaz, er zaman oraza tutqanğada (misal, bazarertesi bu "şübe kününe" rast keldi, o insan ise bazarertesi oraza tuta) ve oraza tutmağanğada. Bir kimsege caiz degil, bu haram. Ammardan (Allah ondan razı olsun) rivayet etilgen hadiste aytila:

مَنْ صَامَ الْيَوْمَ الَّذِي يُشَكُّ فِيهِ، فَقَدْ عَصَى أَبَا
الْقَاسِمِ صلی الله علیه وسلم

"Şübe olğan künde (bu daan Şaaban yada endi Ramazan) oraza tutqan kimse, Abul-Qasimniñ sözünden çıqqandır".

Ramazan ayının arefes

Abu Davud (2334), at-Tirmizi (686).

Abul-Qasim – bu Allahın elçisi ﷺ .

Ey Allahın qulları! Biz Ramazan ayına tekarar qalğanını hatırladıq, amma biz bilmeymiz, aramızda kim oña yaşap yetecek? Allah bizlerge yaşap yetmege nasib etsin! Ebet aramızda bir kimse bilmey, o Ramazanğa yaşap yetecek yada yoq, sonuna barıp yetecek yada yoq? Ve aramızda, bu Ramazanın sonuna yetkeninen kelecək daan bir Ramazan oña nasib olacaq yada yoq, bilgenler yoq?

Öyle ise, ey Allahın qulları, şimdi Allah rızası için hayır ameller yapacağımızğa, Yüce Allah sevgeni kibi davranacağımızğa, günahlarnı qaldırıp Ramazandan son olarğa qaytmayacağımızğa qattı niyetler yedelemek kerekmiz. Orazanıznı, bozacaq ve zarar ketirecek şeylerden qorçalañız.

Ey Allahın qulları, bu ayda boş laflarnı, lafazanlıqnı qaldırınız, çünkü olar kalbnı ölmesine sebep olur. Tersine, öz özünüzni Quran oqumaqnen, zikirnen (Allahnı añaqnen), duanen, istiğfarnen meşğul etiniz. Çünkü bu fırsattır! Bu zamanda camilerde daan ziyade olmağa tırışıñ, bol-bol Allah rızası için sadaqalar beriniz , çünkü Peyğamberimiz ﷺ insanlarnın en cömerti edi, amma Ramazan ayında o daan ziyade cömert edi.

Keliniz Allahın elçisini ﷺ örnek olaraq alayıq. O ﷺ öz sahabelerini Ramazan ayı kelişinen quvandıra edi ve olarnı bu ayın kün ve gecelerinen qullanmağa teklif ete edi.

Peyğamberimiz ﷺ dey edi:

إِذَا دَخَلَ رَمَضَانُ فَتُّحَتْ أَبْوَابُ الرَّحْمَةِ، وَغُلِّقَتْ
أَبْوَابُ جَهَنَّمَ، وَسُلِّسَتْ الشَّيَاطِينُ

"Ramazan başlanğaninen, rahmet qapuları açıla, Cehennem qapuları ise qapala, şeytanlar zincirğa bağlanalar, Cennet qapuları açıla".

Ramazan ayının arefes

al-Buhari (1800), Müslim (1079).

Peyğamberimiz ﷺ öz sahabelerine nasihat bere edi:

أَتَاكُمْ رَمَضَانُ شَهْرٌ مُبَارَكٌ فَرَضَ اللَّهُ عَزَّ وَجَلَّ
عَلَيْكُمْ صِيَامَهُ تَفْتَحُ فِيهِ أَبْوَابُ السَّمَاءِ وَتُغْلَقُ فِيهِ
أَبْوَابُ الْجَحِيمِ وَتُغَلُّ فِيهِ مَرَدَةُ الشَّيَاطِينِ لِلَّهِ فِيهِ
لَيْلَةٌ خَيْرٌ مِنْ أَلْفِ شَهْرٍ مَنْ حُرِمَ خَيْرَهَا فَقَدْ حُرِمَ

"Sizge mubarek Ramazan ayı keldi! Yüce Allah onı oraza ile keçirmege emir etti. Bu ayda kök qapuları açıla ve Cehennem ateşiniñ qapuları qapala, ve boysunmağan şeytanlarğa bu ayda buğavlar kiydirile. Bu ayda biñ geceden daan hayırlı bir gece bar. Kim onıñ hayırından mahrum qalsa, o mahrum qalğanlardandır".

Ahmad (2/230), an-Nasai, (4/129), al-Bayhaki "Şuab al-İman", (3600).

İbn Racab (Allah ondan razı olsun) dedi:

"Musulmanlar biri birini Ramazan başlağaninen tebriklemege ve hayırlamağa izin berilgenine bu hadis delildir".

Mu'min Ramazan ayına nasıl quvanmaycaq, o Cennet qapuları açılacağı ve tersine Cehennem qapuları qapalacağı bile; Yüce Allah şeytanları buğavlarinen baylay?

Akıllı insan buña quvana.

Kenede Peyğamberimiz ﷺ dedi:

إِذَا كَانَ أَوَّلُ لَيْلَةٍ مِنْ شَهْرِ رَمَضَانَ صُفِّدَتْ
الشَّيَاطِينُ، وَمَرَدَةُ الْجِنِّ، وَغُلِّقَتْ أَبْوَابُ النَّارِ، فَلَمْ
يُفْتَحْ مِنْهَا بَابٌ، وَفُتِّحَتْ أَبْوَابُ الْجَنَّةِ، فَلَمْ يُغْلَقْ

مِنْهَا بَابٌ، وَيُنَادِي مُنَادٍ: يَا بَاغِيَ الْخَيْرِ أَقْبِلْ، وَيَا
بَاغِيَ الشَّرِّ أَقْصِرْ، وَلِلَّهِ عِتْقَاءُ مِنَ النَّارِ، وَذَلِكَ كُلُّ
لَيْلَةٍ

"Ramazanın birinci gecesi kelgeninen şeytanlar ve boysunmağan cinler buğavlarğa bağlana. Ateş qapuları qapala, ve birisi açılmay. Ve tersine, Cennetniñ bütün qapuları açıla ve birisi qapalmay. Ve dellâl davet ete ve dey: "Ey hayır yapmağa istegenler – ögge tırışıñ! Ey yaramay yapmağa istegenler – öz niyetleriñizni red etiniz!" Ramazanda Yüce Allahnıñ Cehennem ateşinden azat etecek kimseleri bar".

at-Tirmizi, (682), an-Nasai, (4/126); İbn Macah, (1642); İbn Huzayma, (1776); İbn Hibban, (3435).(sahih)

Alhamdulillah-Llâh! Türmede oturıp afu etileceğine haber kelgen insan – onıñ quvançı nasıl! Bu ay devamında Cehennem ateşinden qurtuluş bergen Allah büyüktir. Bu er gecede! Nasıl aşiqmamalı? Bu fırsatnen nasıl qullanmamalı?

Hadiste rivayet etile:

مَنْ صَامَ رَمَضَانَ إِيمَانًا وَاحْتِسَابًا، غُفِرَ لَهُ مَا
تَقَدَّمَ مِنْ ذَنْبِهِ

"Kim de kim, Yüce Allahnıñ mukâfatına inanıp (birinci şart) ümüt etip (ekinci şart) Ramazanda oraza tutsa, onıñ bütün keçmiş günahları afu etilecek".

al-Buhari, (37, 38, 1901); Müslim, (759 i 760).

Allah Büyüktir!

Eger insan büyük günahlar yaptı ise, o ayrıca Allaha tövbe yapmaq kerek. Budır Yüce Allahtan rahmet ve hediye!

قُلْ بِفَضْلِ اللَّهِ وَبِرَحْمَتِهِ فَبِذَلِكَ فَلْيَفْرَحُوا هُوَ
(خَيْرٌ مِّمَّا يَجْمَعُونَ)

"De ki: Ancaq, Allahnıñ lütfi ve rahmetinen, işte, bularnen sevinsinler. Bu, olarnıñ (dünya malı olaraq) toplağanlarından daa hayırlıdır".

("Yunus", 10:58)

Ey Allahın qulları! Selefler biri birini Ramazan ayı kelişinen quvandıra ediler. Rivayet etile, olar Ramazan kelmesinden altı ay evel Yüce Allaha o Ramazanğa yaşap yetmege dua ete ediler. Ramazandan son ise altı ay devamında Yüce Allah olarnıñ Ramazanını qabul etmesine dua ete ediler.

Yahya ibn abi Kasir dey, seleflerniñ duası mahsus dua edi. Olar Yüce Allaha böyle sözler ile muracat ete ediler:

اللَّهُمَّ سَلِّمْ لِي رَمَضَانَ وَ سَلِّمْ رَمَضَانَ لِي وَ سَلِّمْهُ
لِي مُتَقَبَّلًا

"Allahumma sallimnii li Ramadan, ua sallim Ramadana li, ua sallimhu li mutaqqabbalâ"

"Allahım! Meni Ramazanğa yetkiz, ve onı doğru keçirmege maña imkân ber, ve onı menden qabul et".

Taravih namazını qaldırmañız, onı red etir ^{خير} bu Allahtan bir fırsattır! Oña emiyet beriñiz, çünki bu ögüñizde töşelgen hayırdır. Peyğamberimiz ^{صلى الله عليه وسلم} dedi:

الصَّلَاةُ خَيْرٌ مَوْضُوعٍ، فَمَنْ شَاءَ اسْتَقَلَّ، وَ مَنْ
شَاءَ اسْتَكْتَرَ

"Bu namaz – töşelgen hayırdır. Çoq alıp olğan kimse, alsın".

Ramazan aynıñ arefes

Ahmad, at-Tabarani. (sahih)

Biliñiz, ey Allahın qulları, insanniñ oraza tutacaq niyeti sabah (fecn) namazına qadar olmaq kerek, bu vaqıt kelgenine qadar olmaq kerek. Eger insan sabah namazından son, tan doğğandan son oraza tutmağa niyetlendi ise, bu künki orazası boşuna olacaq. Peyğamberimiz صلی اللہ علیہ وسلم bu aqqında dedi:

من لم يجمع الصيام قبل الفجر، فلا صيام له

"Eger insan sabah namazına qadar orazağa niyetlenmedi ise, onıñ orazası yoqtır".

Abu Daud, İbn Macah, at-Tirmizi, an-Nasai. (sahih)

Amma bu bizge, bazı insanlar kibi, niyetimizni tilnen aytmaq kerek demey. Olar tilnen deyler: "Men bugünki orazanı tutmağa niyetlenem". Yoq! Niyetniñ yeri yürekdedir. Tilnen aytmağa kerek degil.

Ondan ğayrı, er birimizniñ artımızda tabi olğanlarımız bar – evlâdlarımız, apaylarımız, bu aynı nasıl keçirecek cevapkâr olacaq insanlarıñız. Onıñ içün yaşı yetmegen evlâdlarıñız bar ise, olarnı, zarar etmeycek şekilde orazağa alıştıırıñız. Eger boyu yetken evlâdlarıñız bar ise, olarğa orazanı emir etiniz, çünki Peyğamberimizni صلی اللہ علیہ وسلم Sunnetinde böyle emir etilgen.

Biz Yüce Allaha yalvaramız, bizlerni bu Ramazan ayına yaşap yetmege ve bu aynı en güzel şekilde keçirmege, özümüzni Yüce Allaha en güzel taraftan körsetmege nasib etsin.

ЧИТАТЬ НА РУССКОМ

СЛУШАТЬ В TELEGRAM